

აბიტურიენტთა საყურადღებოდ!

2016-2017 სასწავლო წელს საქართველოს ტექნიკური უნივერსიტეტის არქიტექტურის, ურბანისტიკისა და დიზაინის ფაკულტეტის საბაკალავრო პროგრამებზე „არქიტექტურა“ და „Архитектура“ ჩარიცხვის მსურველებმა, ეროვნული გამოცდების ჩაბარებამდე, სპეციალური კომისიის წინაშე უნდა გაიარონ გასაუბრება ხატვასა და ხაზვაში.

გასაუბრებაზე აბიტურიენტებმა უნდა წარმოადგინონ საკუთარი ხელით შესრულებული ნახაზები და ნახატები.

კომისია ჩათვლით ან არჩათვლით განსაზღვრავს ექნება თუ არა აბიტურიენტს უფლება ეროვნული გამოცდების წარმატებით ჩაბარების შემდეგ, სწავლა გააგრძელოს აღნიშნულ პროგრამებზე.

კომისია იმუშავებს 2016 წლის 1-დან 20 ივნისამდე, ყოველდღე 10.00-დან 15.00 საათამდე (შაბათი და კვირა დღის გარდა) შემდეგ მისამართზე: კოსტავას ქ. N 72, სტუ-ის IC კორპუსი, არქიტექტურის, ურბანისტიკისა და დიზაინის ფაკულტეტის აუდიტორია N 306.

აბიტურიენტს მოეთხოვება გასაუბრებაზე წარმოადგინოს მინიმუმ 5–5 ნახატი და ნახაზი.

გასაუბრების დებულება იხილეთ არქიტექტურის, ურბანისტიკის და დიზაინის ფაკულტეტის ვებ გვერდზე: [www.gtu.ge/არქიტექტურის, ურბანისტიკის და დიზაინის](http://www.gtu.ge/არქიტექტურის,ურბანისტიკისდადიზაინის)

ფაკულტეტი/განცხადებები/აბიტურიენტთა საყურადღებოდ

დამტკიცებულია
საქართველოს ტექნიკური უნივერსიტეტის
ფაკულტეტის საბჭოს
2013 წლის 12 აპრილის # 17 სხდომის ოქმით

არასამეწარმეო (არაკომერციული) იურიდიული პირი - საქართველოს ტექნიკური უნივერსიტეტის არქიტექტურის, ურბანისტიკის და დიზაინის ფაკულტეტზე ხატვასა და ხაზვაში გასაუბრების ჩატარების

დ ე ბ უ ლ ე ბ ა

მუხლი 1. რეგულირების სფერო

1. დებულება არეგულირებს არასამეწარმეო (არაკომერციული) იურიდიული პირი – საქართველოს ტექნიკური უნივერსიტეტის (შემდგომში - სტუ) არქიტექტურის, ურბანისტიკის და დიზაინის ფაკულტეტზე ხატვასა და ხაზვაში გასაუბრების ჩატარების წესს და პირობებს;
2. ამ დებულების სამართლებრივი საფუძვლებია "უმაღლესი განათლების შესახებ" საქართველოს კანონი, სტუ-ს რექტორის მიერ გამოცემული ინდივიდუალურ-ადმინისტრაციული და სხვა ნორმატიული აქტები.

მუხლი 2. ტერმინთა განმარტებები

ამ დებულების მიზნებისათვის გამოყენებულ ტერმინებს აქვს შემდეგი მნიშვნელობა:

- ა. გასაუბრება ხატვასა და ხაზვაში – სტუ-ში საგანმანათლებლო პროგრამის პირველ საფეხურზე სწავლის გაგრძელების მსურველთათვის, ერთიან ეროვნულ გამოცდებამდე, სწავლის უფლების მოსაპოვებელი, სავალდებულო პროცედურა, რაც ვრცელდება სტუ-ს არქიტექტურის, ურბანისტიკის და დიზაინის ფაკულტეტის აბიტურიენტებზე, აგრეთვე საგანმანათლებლო პროგრამის პირველ საფეხურზე სწავლის გაგრძელების მსურველ უცხო ქვეყნის მოქალაქეებზე და მობილობის მსურველ სტუდენტებზე.
- ბ. ხატვისა და ხაზვის კომისია (შემდგომში – კომისია) – სტუ-ში ხატვასა და ხაზვაში გასაუბრების ჩატარების ორგანიზაციულ მხარეზე პასუხისმგებელი ორგანო.
- გ. საპრეტენზიო კომისია - საპრეტენზიო განცხადებების განხილვის მიზნით შექმნილი დროებითი ორგანო;

დ. ხატვისა და ხაზვის კომისიის თავჯდომარე - პირი, რომელიც ხელმძღვანელობს სტუ-ში შემოქმედებითი ტურის ჩატარების პროცესს.

ე. ხატვისა და ხაზვის კომისიის წევრები - აბიტურიენტების მიერ გასაუბრებაზე წარმოდგენილი ნამუშევრების შემფასებელი ექსპერტები/სპეციალისტები.

ვ. კომისიის მდივანი - პირი, რომელიც ახორციელებს აბიტურიენტთა/მობილობის მსურველ სტუდენტთა რეგისტრაციას და ეხმარება კომისიას გასაუბრების პროცესში წამოჭრილი საკითხების გადაწყვეტაში.

ზ. აბიტურიენტი – სრული ზოგადი განათლების მქონე პირი, რომელსაც გააჩნია საქართველოში გაცემული ან მასთან გათანაბრებული სრული საშუალო განათლების დამადასტურებელი დოკუმენტი და სწავლის გაგრძელებას აპირებს საქართველოს ტექნიკური უნივერსიტეტის არქიტექტურის, ურბანისტიკის და დიზაინის ფაკულტეტზე საგანმანათლებლო პროგრამის პირველ საფეხურზე.

თ. მობილობის მსურველი სტუდენტი - საქართველოს ნებისმიერი აკრედიტებული უმაღლესი საგანმანათლებლო დაწესებულების სტუდენტი, რომელსაც აქვს სურვილი - სწავლა გააგრძელოს უმაღლესი განათლების პირველ საფეხურზე სტუ-ს არქიტექტურის, ურბანისტიკის და დიზაინის ფაკულტეტზე, დარეგისტრირებულია სსიპ -განათლების აკრედიტაციის ეროვნული ცენტრის ელექტრონულ პორტალზე და სტუ-ში შემოიტანს შესაბამის განაცხადსა და თანდართულ დოკუმენტაციას.

მუხლი 3. შემოქმედებითი ტურების პროცესის ადმინისტრირება

1. ხატვისა და ხაზვაში გასაუბრების ჩატარების მიზნით სტუ-ს რექტორის ინდივიდუალური ადმინისტრაციულ-სამართლებრივი აქტის საფუძველზე იქმნება სტუ-ს ხატვისა და ხაზვის კომისია და ინიშნება მისი თავმჯდომარე, წევრები, კომისიის მდივანი;
2. სტუ-ს ხატვისა და ხაზვის კომისიის შემადგენლობაში შედის თავმჯდომარე და ხუთი წევრი;
3. გასაუბრების ჩატარების პროცესში სტუ-ს პასუხისმგებლობას განეკუთვნება მისი ხარისხიანი, მაღალ დონეზე ორგანიზება, აბიტურიენტების მიერ წარმოდგენილი ნამუშევრების სამართლიანი შეფასება და შეფასების საბოლოო შედეგების (ჩათვლა ან არ ჩათვლა) დროული მიწოდება ერთიანი ეროვნული გამოცდების ჩატარებაზე პასუხისმგებელი სუბიექტისათვის – გამოცდების ეროვნული ცენტრისათვის.

მუხლი 4. არქიტექტურის, ურბანისტიკის და დიზაინის ფაკულტეტზე ჩარიცხვის წესი აბიტურიენტებისათვის, მობილობის მსურველი სტუდენტებისათვის და უცხო ქვეყნის მოქალაქეებისათვის

ა) აბიტურიენტებისათვის

1. სტუ-ს არქიტექტურის, ურბანისტიკის და დიზაინის ფაკულტეტზე აბიტურიენტების ჩარიცხვა ხდება საქართველოს განათლებისა და მეცნიერების მინისტრის 2005 წლის 27 მარტის №127 ბრძანებით დამტკიცებული ერთიანი ეროვნული გამოცდების ჩატარების დებულების მე-8 მუხლის, მე-3 პუნქტის, "ბ" ქვეპუნქტით გათვალისწინებული "შერეული წესით", რომელიც გულისხმობს აბიტურიენტთა/მობილობის მსურველ სტუდენტთა ჩარიცხვას გასაუბრების და ერთიანი ეროვნული გამოცდების შედეგად, კოეფიციენტებით რანჟირებული ქულებით.

2. სტუ-ს არქიტექტურის, ურბანისტიკის და დიზაინის ფაკულტეტზე მისაღებად აბიტურიენტებისათვის კონკურსით გათვალისწინებული საგნებისათვის კოეფიციენტები განისაზღვრება შემდეგი ცხრილის შესაბამისად:

საგამოცდო საგნის დასახელება	ზოგადი უნარები	ქართული ენა	უცხო ენა	არჩევითი საგანი (ერთ-ერთი შემდეგი ჩამონათვლიდან : ა. მათემატიკა ბ. ლიტერატურა გ.სახვითი და გამოყენებითი ხელოვნება)
კოეფიციენტი	4	2	2	4

3. ხატვასა და ხაზვაში გასაუბრების შედეგების მიხედვით (ჩათვლა ან არჩათვლა) დგინდება აბიტურიენტთა კომპეტენცია შესაბამის საგნებში, რაც ეროვნული გამოცდების დებულებით გათვალისწინებული სამი სავალდებულო და ერთი არჩევითი საგანის გამოცდის შედეგებთან ერთად ავლენს იმ აბიტურიენტთა ნუსხას, რომლებმაც მოიპოვეს სწავლის გაგრძელების უფლება სტუ-ს არქიტექტურის, ურბანისტიკის და დიზაინის ფაკულტეტზე;

ბ) მობილობის მსურველი სტუდენტებისათვის

1. სტუ-ს არქიტექტურის, ურბანისტიკის და დიზაინის ფაკულტეტზე მობილობის წესით ჩარიცხვის უფლება აქვთ სტუდენტებს, რომელთაც სსიპ -განათლების აკრედიტაციის ეროვნული ცენტრის ელექტრონულ პორტალზე გაივლის რეგისტრაციას და სტუ-ში შემოიტანს შესაბამის განაცხადსა და თანდართულ დოკუმენტაციას;

2. სტუ-ს მობილობის წესით ჩარიცხვის უფლება ეძლევა სტუდენტს უმაღლესი განათლების შესაბამის საფეხურზე სწავლების ერთი წლის შემდეგ.

3. სტუ-ში არქიტექტურის, ურბანისტიკისა და დიზაინის ფაკულტეტზე მობილობის წესით ჩარიცხვის მსურველი სტუდენტი ვალდებულია ამ დებულების თანახმად გაიაროს უნივერსიტეტის მიერ დადგენილი გასაუბრება ხატვასა და ხაზვაში. იმ შემთხვევაში თუ მობილობის მსურველ სტუდენტს სხვა უმაღლეს საგანმანათლებლო დაწესებულებაში წარმატებით გავლილი აქვს შემოქმედებითი ტური ხატვაში, მას არ მოეთხოვება სტუ-ში გასაუბრების გავლა და სტუ-ში ჩარიცხვა ხდება მხოლოდ მის მიერ გავლილი საგანმანათლებლო პროგრამის შესაბამისობის დადგენით სტუ-ს საგანმანათლებლო პროგრამასთან.

4. თუ არქიტექტურის, ურბანისტიკის და დიზაინის ფაკულტეტზე მობილობის მსურველთა განცხადების რაოდენობა რეგისტრირებული ადგილების რაოდენობაზე მეტია, ჩარიცხვის უფლებას მიიღებს ის სტუდენტი, რომლის ერთიანი ეროვნული გამოცდების შედეგები აღემატება მობილობის სხვა მსურველთა შესაბამის შედეგებს იმ შემთხვევაში, თუ სტუდენტი სხვა უმაღლე საგანმანათლებლო დაწესებულებაში ჩარიცხულია ერთიანი ეროვნული გამოცდების შემოღებამდე, მისი ჩარიცხვა სტუ-ში მოხდება დამატებითი გასაუბრების შედეგების შესაბამისად;


გ) უცხო ქვეყნის მოქალაქეებისათვის

სტუ-ს არქიტექტურის, ურბანისტიკის და დიზაინის ფაკულტეტზე საგანმანათლებლო პროგრამის პირველ საფეხურზე სწავლა ერთიანი ეროვნული გამოცდების ჩაბარების გარეშე, საქართველოს განათლებისა და მეცნიერების სამინისტროს მიერ დადგენილი წესის შესაბამისად დასაშვებია:

- უცხო ქვეყნის იმ მოქალაქე ან მოქალაქეობის არმქონე აბიტურიენტისათვის, რომელმაც უცხო ქვეყანაში მიიღო სრული ზოგადი ან მისი ეკვივალენტური განათლება, მაგრამ არანაკლებ „ზოგადი განათლების შესახებ“ საქართველოს კანონით დადგენილი სწავლების შესაბამისი ხანგრძლივობისა და პროგრამის ათვისების შედეგად;
- უცხო ქვეყნის იმ მოქალაქე ან მოქალაქეობის არმქონე სტუდენტისათვის, რომელიც სწავლობს უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში.
- პირებისათვის, რომლებიც გაივლიან შემოქმედებით ტურს და გადალახავენ კომპეტენციის მინიმალურ ზღვარს.


მუხლი 5. ხატვასა და ხაზვაში გასაუბრების ჩატარების ფორმა და შეფასების სისტემა

1. გასაუბრება ხატვაში მიზნად ისახავს ნატურაში მოცემული საგნის გრაფიკულად ასახვის უნარ-ჩვევების შემოწმებას. გასაუბრებაში მონაწილე აბიტურიენტს/მობილობის მსურველ სტუდენტს ევალება კომისიას წარუდგინოს საკუთარი ხელით შესრულებული თაბაშირის მოდელის (თავი), გეომეტრიული ფიგურის (კუბი, სფერო, პირამიდა, კონუსი, პარალელეპიპედი, ცილინდრი ან სხვა) ან რაიმე სხვა საგნის შავი ფერის ფანქრით თეთრ ფურცელზე შესრულებული მინიმუმ სამი



გრაფიკული ნახატი. (იხ. თანდართული ნიმუში სურ. №1).

2. გასაუბრება ხაზვაში მიზნად ისახავს აბიტურიენტის/მობილობის მსურველი სტუდენტის მიერ გეომეტრიული ფიგურების გრაფიკულად გამოხაზვის უნარ-ჩვევების გამოვლენას. აბიტურიენტი/მობილობის მსურველი სტუდენტი ვალდებულია კომისიას წარუდგინოს მის მიერ შავი ფერის ფანქრით თეთრ ფურცელზე შესრულებული მინიმუმ სამი ნახაზი (იხ. თანდართული ნიმუში სურ. №2).



3. გასაუბრება წარმატებით გავლილად შეიძლება ჩაეთვალოს იმ აბიტურიენტს/აბიტურიენტს/მობილობის მსურველ სტუდენტს, რომელიც საგამოცდო კომისიას წარუდგენს ნახატების და ნახაზების მინიმალურ (3-3) რაოდენობას.
4. გასაუბრება ჩაითვლება წარუმატებლად და აბიტურიენტი /მობილობის მსურველი სტუდენტი ვერ მიიღებს ჩათვლას, თუ იგი კომისიის წინაშე არ წარმოადგენს უნივერსიტეტის მიერ მოთხოვნილი ნამუშევრების ორივე კომპონენტს როგორც ხატვაში ასევე ხაზვაში.
5. გასაუბრებაში უარყოფითი შეფასების მიღების შემთხვევაში, აბიტურიენტს უფლება აქვს გააგრძელოს მონაწილეობა ერთიან ეროვნულ გამოცდებში, თუმცა ის ვერ ჩაირიცხება სტუ-ის არქიტექტურის, ურბანისტიკის და დიზაინის ფაკულტეტზე.
6. გასაუბრებაზე წარმოდგენილი ნამუშევრები რჩება კომისიის განმგებლობაში.
7. ხატვასა და ხაზვაში გასაუბრება აბიტურიენტისათვის უფასოა

მუხლი 6. სტუ-ში აბიტურიენტთა რეგისტრაცია

1. სტუ-ში ხატვასა და ხაზვაში გასაუბრების მონაწილე ვალდებულია რეგისტრაციისათვის სტუ-ს კომისიას წარუდგინოს პირადობის მოწმობა.
2. კომისიის მდივანი გადაიღებს და დაიტოვებს პირადობის მოწმობის ასლს, რომლის მონაცემები (გვარი,სახელი,პირადი ნომერი) აისახება სტუ-ის მიერ გამოცდების ეროვნულ ცენტრში წარდგენილ დოკუმენტაციაში.

3. ხატვასა და ხაზვაში გასაუბრების განრიგი, არქიტექტურის, ურბანისტიკის და დიაზინის ფაკულტეტის დეკანის წარდგინებით, მტკიცდება სტუ-ს რექტორის მიერ გამოცემული ადმინისტრაციულ-სამართლებრივი აქტით.

4. კონკურსის ჩატარების წესები (წინამდებარე დებულება) განთავსდება სტუ-ს არქიტექტურის, ურბანისტიკის და დიაზინის ფაკულტეტის ვებ გვერდზე www.gtu.ge / [არქიტექტურის ფაკულტეტი / აბიტურიენტთათვის](#)

მუხლი 7. გასაუბრების შედეგების გამოქვეყნება

ხატვისა და ხაზვის კომისია გასაუბრების შედეგებს, კომისიის თავჯდომარის ხელმოწერით, წერილობითი სახით დაუყოვნებლივ აქვეყნებს სტუ-ს შენობაში, არქიტექტურის, ურბანისტიკის და დიაზინის ფაკულტეტის მიმდებარედ, მინიმუმ სამ ადგილზე. ეს ინფორმაცია შემდეგ დღესვე განთავსდება სტუ-ს არქიტექტურის, ურბანისტიკის და დიაზინის ფაკულტეტის ვებ გვერდზე www.gtu.ge / [არქიტექტურის ფაკულტეტი / ხატვასა და ხაზვაში გასაუბრების შედეგები/](#)

გასაუბრების შედეგებთან დაკავშირებული საპრეტენზიო განაცხადების მიღება, იწარმოებს 17 ივნისის 14 საათამდე, რის შემდეგ დაიწყება საპრეტენზიო კომისიის მიერ მათი განხილვა;

საპრეტენზიო განაცხადის საფუძველზე გასაუბრების შეფასებების შეცვლის შემთხვევაში დგინდება შეფასებათა საბოლოო შედეგები, რომელიც, საპრეტენზიო კომისიის მუშაობის დამთავრების შემდეგ, გამოიკვრება წინა დღეს გამოქვეყნებული შედეგების ადგილზე და იმავე დღესვე განთავსდება სტუ-ს არქიტექტურის, ურბანისტიკის და დიაზინის ფაკულტეტის ვებ გვერდზე.

მუხლი 8. აბიტურიენტის/მობილობის მსურველ სტუდენტთა უფლება-მოვალეობები

1. აბიტურიენტები/მობილობის მსურველი სტუდენტები ვალდებული არიან:
 - ა. სტუ-ის რექტორის ბრძანებით განსაზღვრულ დროის პერიოდში გამოცხადდნენ ხატვასა და ხაზვაში გასაუბრებაზე.
 - ბ. თან იქონიონ წინამდებარე დებულების მე-6 მუხლში ჩამოთვლილი დოკუმენტები.
 - გ. გასაუბრების დასრულების შემდეგ ნამუშევარი ჩააბარონ კომისიის თავმჯდომარეს ან კომისიის წევრებს;

მუხლი 9. სტუ-ის ხატვისა და ხაზვის გასაუბრების შედეგების ამსახველი დოკუმენტები

1. სტუ-ში ხატვასა და ხაზვაში გასაუბრების კომისიის მუშაობის დასრულების შემდეგ კომისიის თავმჯდომარე სტუ-ს რექტორს მეორე სამუშაო დღესვე წარუდგენს გასაუბრებაში მონაწილე აბიტურიენტების სიას, საბოლოო შედეგების (ჩათვლა ან არჩათვლა) მითითებით, რის შემდეგაც დოკუმენტაცია იგზავნება გამოცდების ეროვნულ ცენტრში.

2. უმაღლეს საგანმანათლებლო დაწესებულებაში სტუდენტის ჩარიცხვა, ფორმდება მოქმედი კანონმდებლობის შესაბამისად.